



**1. Agencija za kvalitet i akreditaciju u zdravstvu u Federaciji Bosne i Hercegovine** (u daljem tekstu: AKAZ), ul. Dr. Mustafe Pintola br. 1., Ilidža, Sarajevo, koju zastupa direktor dr.sc.med. Ahmed Novo, s jedne strane

i

**2. JU zdravstvena ustanova**, Adresa, ID: **00000000000000** (u daljem tekstu: zdravstvena ustanova), koju zastupa **direktor, dr.med. Ime Prezime**, s druge strane, kao ugovorne strane usaglasile su se i zaključuju sljedeći:

**U G O V O R**  
**O REALIZIRANJU PROGRAMA EDUKACIJE**  
**ZDRAVSTVENIH RADNIKA I ZDRAVSTVENIH SARADNIKA U OBLASTI**  
**POBOLJŠANJA KVALITETA I SIGURNOSTI U**  
**JU ZDRAVSTVENOJ USTANOVI ZA JAVNO ZDRAVSTVO KANTONA SARAJEVO**

**PREDMET UGOVORA**

**Član 1.**

(Predmet)

Ovim ugovorom ugovorne strane su se sporazumjele da će AKAZ, kao ovlašteno tijelo u oblasti poboljšanja kvaliteta, sigurnosti i akreditacije u zdravstvu u Federaciji Bosne i Hercegovine, utvrđeno Zakonom o sistemu poboljšanja kvaliteta, sigurnosti i o akreditaciji u zdravstvu, u Zdravstvenoj ustanovi, realizirati vlastiti program edukacije zdravstvenih radnika i zdravstvenih saradnika u oblasti poboljšanja kvaliteta, sigurnosti i akreditacije u zdravstvu (u daljem tekstu: program edukacije).

**Član 2.**

(Naziv programa)

Naziv programa edukacije koja je predmet ovog ugovora je: *Edukacija zdravstvenih profesionalaca za uvođenje sistema sigurnosti i kvaliteta.*

**Član 3.**

(Moduli programa edukacije)

(1) Program se realizira kroz pojedinačne teme, odnosno module za koje po jedan dan obuke.

(2) Moduli su:

- |                                                                                |                                                |
|--------------------------------------------------------------------------------|------------------------------------------------|
| 1. Sistemi kvaliteta u zdravstvu                                               | 9. Prijavljivanje incidentnih situacija        |
| 2. Procedure                                                                   | 10. Indikatori izvedbe                         |
| 3. Strateško planiranje                                                        | 11. Medicina zasnovana na dokazima             |
| 4. Timski rad i akciono planiranje                                             | 12. AGREE instrument                           |
| 5. Standardi                                                                   | 13. Kliničke vodilje                           |
| 6. Klinička revizija u zdravstvenim ustanovama                                 | 14. Etička i pravna pitanja u kliničkoj praksi |
| 7. Klinički putevi                                                             | 15. Vještina komuniciranja                     |
| 8. Sigurnost pacijenta i principi upravljanja kliničkim i nekliničkim rizicima | 16. Projekat u ustanovi                        |

**IZVRŠENJE UGOVORA**

**Član 4.**

(Mjesto održavanja programa edukacije)

Mjesto održavanja programa edukacije je u prostorijama Zdravstvene ustanove.

**Član 5.**

(Učesnici programa edukacije)

Zdravstvena ustanova se obavezuje odrediti **pet (5) polaznika** programa edukacije i listu učesnika dostaviti AKAZ-u najkasnije do dana zaključivanja ugovora.

#### **Član 6.**

(Vrijeme izvršenja ugovora)

- (1) Ugovorne strane su saglasne da započnu edukaciju u mjesecu XXX godine i sa istom okončaju nakon izvođenja svih 16 modula edukacije.
- (2) Edukacija iz stava 1. ovog člana provodi se po utvrđenom rasporedu kojeg dogovaraju ugovorne strane za svaku edukaciju, odnosno modul pojedinačno.
- (3) U slučaju nepredviđenih situacija ili više sile, AKAZ zadržava pravo da u dogovoru sa Zdravstvenom ustanovom može izmijeniti datum održavanja edukacije ili promijeniti predavača.

### **UGOVORNA CIJENA**

#### **Član 7.**

(Pojedinačni iznosi cijene programa edukacije)

- (1) Cijena za izvođenje programa edukacije iz člana 2. ovog ugovora po jednom (1) polazniku i jednom (1) modulu iznosi 120,00 KM (stotinudvadeset i 00/100 KM) sa PDV-om, prema službenom Cjenovniku usluga AKAZ-a.
- (2) Zdravstvena ustanova upućuje pet (5) polaznika na program edukacije.
- (3) Svaki polaznik u okviru programa edukacije pohađa 16 modula.

#### **Član 8.**

(Roba i usluge uključene u cijenu programa edukacije)

AKAZ se obavezuje da će Zdravstvenoj ustanovi u razumnom roku isporučiti sve potrebne materijalu, koji su neophodni za provođenje edukacije koja je predmet ovog Ugovora, što je uračunato u cijenu.

#### **Član 9.**

**(Konačna cijena programa edukacije)**

- (1) Ugovorna cijena programa edukacije jeste **9.600,00 KM (devethiljadašeststotina i 00/100) sa PDV-om** (5 polaznika x 16 modula x 120,00 KM = 9.600,00 KM), na osnovu pojedinačnih iznosa iz člana 7. ovog ugovora.
- (2) Ugovorna cijena se plaća u dva obroka u roku od 8 (osam) dana od prijema AKAZ-ove fakture, prema sljedećoj dinamici:
  - **I RATA 50%** po dostavljanju fakture I za mjesec novembar.....**4.800,00 KM**
  - **II RATA 50%** po dostavljanju fakture II za mjesec decembar,  
ili do kraja edukacije.....**4.800,00 KM**
- (3) Uplata će se izvršiti na transakcijski račun AKAZ-a.

### **PRIJELAZNE I ZAVRŠNE ODREDBE**

#### **Član 10.**

(Sporovi)

Sporove koji eventualno nastanu iz osnova ovog ugovora ugovorne strane će nastojati rješavati sporazumno i uz obostranu suglasnost, a u slučaju nemogućnosti dogovora utvrđuju nadležnost općinskog suda u Sarajevu.

#### **Član 11.**

(Broj primjeraka)

Ugovor je sačinjen u šest istovjetnih primjeraka, od čega svaka ugovorna strana zadržava po tri (3) primjerka.

#### **Član 12.**

(Stupanje na snagu i potpis)

(1) Ovaj Ugovor stupa na snagu danom potpisivanja.

(2) U znak prihvatanja svih prava i obveza iz ovog Ugovora, ugovorne strane vlastoručno ga potpisuju.

Za AKAZ:  
DIREKTOR  
doc.dr. Ahmed Novo

m.p.

Broj: \_\_\_\_\_

U Sarajevu, \_\_\_\_\_

\_\_\_\_\_

Za  
JU Zdravstvenu ustanovu

DIREKTOR  
m.p.

Broj: \_\_\_\_\_

U Sarajevu, \_\_\_\_\_

\_\_\_\_\_